

Na osnovu člana 15. Zakona o principima lokalne samouprave (Službene novine Federacije Bosne i Hercegovine“, broj 49/06), člana 7. Statutarne odluke Odluke o organizaciji Grada Tuzla u skladu sa Zakonom o gradu Tuzla („Službeni glasnik Grada Tuzla“ broj: 1/14 i 3/15), Gradonačelnik Grada Tuzla donosi:

O D L U K U
o uslovima, postupku, visini i kriterijima za dodjelu
Nagrade Grada Tuzla za ostvaren natprosječan uspjeh
učenika, studenata i sportista sa područja Grada Tuzla

Član 1.

Ovom Odlukom utvrđuju se uslovi, postupak, visina i kriteriji za raspoređivanje finansijskih sredstava iz Budžeta Grada Tuzla za ostvaren natprosječan uspjeh učenika, studenata i sportista sa područja grada Tuzla u prethodnoj školskoj/kalendarskoj godini.

Član 2.

Naziv Nagrade je: Nagrada Grada Tuzla za ostvareni natprosječan uspjeh (u daljem tekstu: Nagrada).

Nagrada se dodjeljuje učenicima, studentima i sportistima za postignute rezultate u prethodnoj školskoj/kalendarskoj godini.

Nagrada predstavlja novčani iznos koji se učenicima, studentima i sportistima dodjeljuje u tekućoj budžetskoj godini, a biće isplaćena jednokratno.

Finansijska sredstva za Nagradu izdvajaju se sa namjenske pozicije Službe nadležne za poslove iz oblasti društvenih djelatnosti (u daljem tekstu: nadležna Služba) u skladu sa sredstvima predviđenim u Budžetu Grada Tuzla.

Sredstva planirana Budžetom Grada Tuzla namjenjena za dodjelu Nagrade, raspoređuju se u skladu sa brojem kandidata koji su ostvarili pravo na Nagradu.

Član 3.

Pravo sudjelovanja na javnom pozivu za dodjelu Nagrade imaju učenici, studenti i sportisti koji ispunjavaju sljedeće:

a) Opće kriterije:

- da su državljani Bosne i Hercegovine
- da imaju stalno mjesto prebivališta na području grada Tuzla

b) Posebne kriterije:

Podnosioci prijava na javni poziv	Kriteriji za dodjelu Nagrade Grada Tuzla za ostvaren natprosječan uspjeh	Iznos finansijskih sredstava
učenici	- da je prethodne školske godine bio redovan učenik srednje škole i da je proglašen učenikom generacije	do 800,00 KM srazmjerno broju aplikanata
studenti	- da je u prethodnoj školskoj godini bio redovan student I ciklusa (dodiplomskog) studija i da je položio sve ispite s najnižom	do 1.200,00 KM srazmjerno broju aplikanata

	prosječnom ocjenom 9,5 kao i da je izmirio sve obaveze predviđene planom i programom te studijske godine.	
učenici i studenti	- da su prethodne školske godine bili redovni učenici odnosno studenti i da su osvojili jedno od prva tri mjesta na međunarodnim takmičenjima u oblasti nauke, kulture i drugih društvenih oblasti u pojedinačnoj konkurenciji.	do 500,00 KM srazmjerno broju aplikanata
sportisti	- sportisti koji su Odlukom Sportskog saveza Grada Tuzla proglašeni za najuspješnije sportiste u prethodnoj kalendarskoj godini	do 1.000,00 KM

Učenici, studenti i sportisti mogu ostvariti Nagradu samo po jednom od navedenih posebnih kriterija.

Član 4.

Izbor kandidata za dodjelu Nagrade se vrši na osnovu prijave na javni poziv za dodjelu Nagrade, koji raspisuje nadležna Služba.

Javni poziv ostaje otvoren 15 dana od dana objavljivanja na zvaničnoj web stranici Grada Tuzla (grad.tuzla.ba).

Prijavu na javni poziv utvrđuje nadležna Služba i objavljuje je zajedno s javnim pozivom na zvaničnoj web stranici Grada Tuzla (grad.tuzla.ba).

Prijava i javni poziv mogu se preuzeti i u Centru za pružanje usluga građanima (šalter sala).

Prijava sa pratećom dokumentacijom se dostavlja nadležnoj službi, putem Centra za pružanje usluga građanima (šalter sala).

Član 5.

Uz popunjenu prijavu na javni poziv za dodjelu Nagrade Grada Tuzla za ostvaren natprosječan uspjeh, aplikanti su obavezni dostaviti sljedeću dokumentaciju:

1. Fotokopiju uvjerenja o državljanstvu.
2. Fotokopiju PBA 3 obrasca kao dokaz prebivališta na području grada Tuzla.
3. Fotokopiju tekućeg računa.

Pored dokumentacije iz prethodnog stava ovog člana aplikanti su dužni dostaviti jedan od sljedećih dokumenata kojima se dokazuje natprosječan uspjeh učenika, studenta, odnosno sportiste u prethodnoj školskoj tj. kalendarskoj godini:

1. Učenici – odluku nadležnog organa srednje škole o proglašenju učenika generacije za prethodnu školsku godinu

2. Studenti – dokaz visokoškolske ustanove da je aplikant na javni poziv u prethodnoj školskoj godini bio redovan student I ciklusa (dodiplomskog) studija i da je položio sve ispite sa najnižom prosječnom ocjenom 9,5 kao i da je izmirio sve obaveze predviđene planom i programom te studijske godine

3. Učenici i studenti – potvrdu (uvjerenje) nadležne obrazovne ustanove da je učenik/student bio redovan učenik/student prethodne školske godine kao i dokaz o osvojenom jednom od prva tri mjesta na zvaničnom međunarodnom takmičenju u oblasti nauke, kulture i drugih društvenih oblasti u pojedinačnoj konkurenciji za tu školsku godinu

4. Sportisti – odluku Sportskog saveza Grada Tuzla o proglašenju najuspješnijeg sportiste u prethodnoj kalendarskoj godini.

Član 6.

Razmatranje pristiglih prijava vrši Komisija od 3 člana iz reda uposlenika Gradske uprave Grada Tuzle, koju imenuje Pomoćnik gradonačelnika za nadležnu Službu.

Po okončanju provjere zaprimljenih prijava, Komisija ocjenjuje prijave o čemu sačinjava zapisnik i listu o odabiru korisnika. Lista o odabiru korisnika mora sadržavati aplikante koji su ispunili uslove javnog poziva sa prijedlogom iznosa sredstava za dodjelu, kao i aplikante koji nisu ispunili uslove javnog poziva sa naznakom koji uslov nije ispunjen. Komisija je dužna dostaviti izvještaj o radu sa Listom o odabiru aplikantata u roku od 30 dana od dana završetka javnog poziva, Pomoćniku gradonačelnika za nadležnu Službu.

Na osnovu izvještaja Komisije i Liste o odabiru korisnika Pomoćnik gradonačelnika za nadležnu Službu usvaja Program raspodjele sredstava.

Usvojeni Program raspodjele sredstava iz Budžeta Grada Tuzla iz prethodnog stava ovog člana, objavit će se na zvaničnoj web stranici Grada Tuzla (www.grad.tuzla.ba), i zajedno sa spiskom nagrađenih korisnika sredstava dostavit će se Službi za budžet i finansije na realizaciju.

Član 7.

Odluka stupa na snagu danom objave u „Službenom glasniku Grada Tuzla“.

Danom stupanja na snagu ove Odluke prestaje da važi Odluka o uslovima, postupku, visini i kriterijima za dodjelu Nagrade Grada Tuzla za ostvaren natprosječan uspjeh učenika, studenata i sportista s područja Grada Tuzla („Službeni glasnik Grada Tuzla“, broj 4/15).

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK

GRADONAČELNIK

Jasmin Imamović, dipl.pravnik

Broj: 02-14-A-1362-2019
Tuzla, 26.02.2019. god